

Naalakkersuisut AIS19-imi ukiunilu missingersuusiorfiusuni misileraanermut aningaasaliissutinik 7,5 mio. kr-inik amerlassusilinnik, aalisakkanik suliffissuit nunaqarfinni qerititsivinnik sanaartornissamik annertusaanissamulluunniit atugassatut qinnuteqarfigisinnaasaannik immikkoortitsinissamik peqquneqarnissaat pillugu Inatsisartuni aalajangiiffigisassatut siunnersuut. Tapiissutit containerinik qerititsivinnik nutaanik pisinermut kiisalu aalisakkanik tunisassiorfiit Nukissiorfinnut attaviliinermut akiliutissaannut, containerinik qerititsivinnik pisinerup Nukissiorfiit naammassisinnaasamikkut annertusaanerannut aningaasartuutitut akiliutitut atorneqarsinnaassapput. Aningaasanit atorneqartussanngortitanit agguassinermi piffinni suliffissaqartitsinikkut suliniutinik pisariaqartitsinerit isiginiarneqassapput.

Inatsisartunut ilaasortaq Peter Olsen, Inuit Ataqtigii

**pillugu
siunnersuutip aappassaaneernejarnanut**

Inuussutissarsiornermut Aatsitassanullu Ataatsimiititaliap

ISUMALIUTISSIISUTAA

Ataatsimiititaliap suliarinninnermini kingullermik ilaasortarai:
Inatsisartunut ilaasortaq Peter Olsen, Inuit Ataqtigii, siulittaasoq
Inatsisartunut ilaasortaq Justus Hansen Demokraatit, siulittaasup tullia
Inatsisartunut ilaasortaq Nikkulaat Jeremiassen, Siumut
Inatsisartunut ilaasortaq Jens-Erik Kirkegaard, Siumut
Inatsisartunut ilaasortaq Knud Kristiansen Siumut
Inatsisartunut ilaasortaq Kelly Berthelsen, Inuit Ataqtigii
Inatsisartunut ilaasortaq Per Rosing-Petersen, Partii Naleraq

1. Siunnersuutip imarisai siunertaalu

Aalisakkanik suliffissuit nunaqarfinni qerititsivinnik sanaartornissamik annertusaanissamulluunniit atugassatut qinnuteqarfigisinnaasaannik kiisalu Nukissiorfinnut attaviliinermullu akiliutissaannut AIS 19-imi ukiunilu missingersuusiorfiusuni misileraanissamut aningaasaateqarfimmik pilersitsoqarnissaa siunnersuuteqartup siunnersuusiornermigut kissaatigaa. Tapiissutit agguanneqarnissaani suliffissaqartitsinikkut

suliniutinik siuarsaanissani piffinni pisariaqartitsinerit isiginiarneqassasut siunnersuuteqartup kissaatigaa.

2. Siunnersuutip Inatsisartunit siullermeerneqarnera

Siunnersuutip siullermeerneqarnerani assigiinngisitaartunik isummersorfigineqarpoq. Siunnersuut Naalakkersuisunit ilalernartinneqaraluarluni suliniutaareersunik tulleriissaarinissat kissaatigineqarpoq siunnersuummullu allannguutissatut siunnersuummik Naalakkersuisut saqqummiussippot. Siunnersuutip siunertarisaanik piviusunngortitsinissanut ullumikkut periarfissaqarenera taamaasillunilu AIS 19-ilu iliuseqarnissanut utaqeqqaarneqartariaqanngitsoq Siumumit tunngavilersuutigineqarluni siunnersuutip kiisalu allannguutissatut siunnersuutip itigartitsissutigineqarnissaa inassutigineqarpoq. Inuit Ataqtigiinnit siunnersuutigineqaaqqartup isikkumisut ilusiteqartillugu akuersissutigineqarnissaa inassutigaat. Naalakkersuisut allannguutissatut siunnersuutaat Parti Naleraq-imit Demokraatinillu akuersissutigineqarnissaa inassutigineqarpoq, Attaviitsullu siunnersuut allannguutissatullu siunnersuutip itigartitsissutigineqarnissaat inassuteqaatigalugu.

Siunnersuutip siullermeerneqarnerani partiit oqaaseqaataani inersuarmilu saqqummiussereernerup kingorna oqallinnermi siunnersuummi suliniuteqarfissat aallarnisaaffigineqarnissai tunngaviusumik politikkikkut siamasissumik taparserneqartut ataatsimiititaliap maluginiarpa.

3. Ataatsimiititaliap siunnersuummik suliarinninnera

Siunnersuutip siullermeerneqarnerata kingorna Naalakkersuisunit allannguutissatut siunnersuut ataani allassimasoq saqqummiunneqarpoq:

”2019-imi aningaasanut inatsisissamat siunnersuutip suliarinerata tungaanut misiliilluni aningasaliineq pitsaanerpaq, nunaqarfinni qerititsivinnik sanaartornissamik annertusaanissamullu tapiisarneq pillugu qanoq aaqqiivigineqarsinnaanersoq misissorneqassasoq, Naalakkersuisut peqquneqarput. Misissuinermi isumalluutinut suliffissaqartitsinernut kiisalu aningaasaqarnermut tunngasut ilanngunneqassapput.”

Suliassaqarfimmi susassaqartut peqataatinneqarlutik suliniutit ingerlanneqarnissaat Naalakkersuisut allannguutissatut siunnersuuteqarnermikkut ersersikkaat aallarniutigalugu ataatsimiititaliamit paasilluarneqartoq oqaatigineqassaaq. Nunaqarfinni isorliunerusunilu inuussutissarsiornermi suliffeqarnermilu ineriartortinneqarnissaat konto pingaarnermi 64.10.05-imi agguaanneqartartut ukiuni siuliini misilittakkat kinguneqarluartut aammalu kommuni nunaqarfinnilu aqutsisut sumiiffinni pisariaqartitat nalilerneqarnerini taaneqartut suleqatigineqarnissaat Naalakkersuisunit kissaatigineqarpoq. Killup tungaanulli konto pingaarnermi 64.10.17-imi Nunami inuussutissartiutinut takornariartitsinermullu tapiissutit

killilimmik qinnuteqarfigineqartartut misilittakkat takutikkaat Naalakkersuisut akissuteqaateqarnermikkut ersarissarpaat.

Sumiiffinni pisariaqartinneqartut periarfissallu qulaajarneqarnissaat Naalakkersuisunit kissaatigineqartoq ataatsimiititaliap pineqartumi paasilluarpa, kommunillu nunaqarfinnilu aqutsisut suleqatigalugit sumiiffinni pisariaqartitat misissorneqarnissaat, tamatumani misileraanissamut aningaasaateqarfimmik pilersitsinissani allaffissornikkut teknikkikkullu pitsaanerpaanik periuseqarluni katiterinissat Naalakkersuisunit kissaatigineqartoq ataatsimiititaliap paasilluarpa. Tamatumani aningaasaliissutinik tapiissuteqartitsinissani qanoq tunngaveqarluni tapiisarneq pitsaanerpaamik agguaassisarnissat ilanngullugit ilaatigut misissuivigineqarnissaat kissaatigineqarpoq.

Pineqartuni misissuinissat ilaatigut kommunit nunaqarfinnilu misilittakkat ilanngullugit suliarineqarnissaat kiisalu AIS19-ip suliarineqarnissaanut atatillugu misissuinerit naammassineqareersimanissaat AIS19-imi uiggiullugit suliarineqarsinnaasunnegortinneqassasut ilanngullugu ersarissarneqarnissaa ataatsimiititaliaq isumaqarpoq.

Tamanna tunngavigalugu allannguutissatut siunnersuummik ersarissaataasussamik ataatsimiititaliaq siunnersuuteqassaaq:

Misiliilluni aningaasaliineq nunaqarfinni qerititsivinnik sanaartornissamik annertusaanissamullu tapiisarnerni periutsit pissutsillu pitsaanerpaat anguniarlugit qanoq aaqqiivigineqarsinnaanera pillugit Naalakkersuisut nassuiaasioqqullugit peqquneqarnissaanik Inatsisartut inatsisissaattut siunnersuut. Nassuiaasiornermi isumalluutit suliffissaqartitsinerit kiisalu aningaasaqarnermut tunngasut kommunit, inuussutissarsiornermik ingerlatsisut aammalu KANUNUPE-p misilittagaat ilaatigut ilanngunneqassapput. Nassuiaat inerniliinerillu Inatsisartut UKA2018-imi ataatsimiinnissaat sioqqullugit agguaanneqassaaq, tamatumani nassuiaatip inerniliineri AIS19-imut ilanngullugit suliarineqarsinnaalerlugit.

Misileraanissamut aningaasaateqarfimmik pilersitsinissani misileraalluni aningaasaateqarfiup aningaasartassaasa annertussusai allannguutissatut siunnersuummi ataatsimiititaliamit ilanngunneqanngillat, tamatumani misileraalluni aningaasaateqarfimmik pilersitsinissani aaqquissuussinerup ilusilersorneqarnissaani misissuineri ilanngullugit nalilerneqartussaassammata. Siunnersuuteqartup siunnersuuteqaqqaarnermini aningaasat 7.5 mio. kr.-it taggiussai mattunneqarsinnaanngillat, nassuiaasiornissamili misissuineri ingerlanneqartussani aningaasanik taggiussinissat ilanngullugit qulaajarneqarlutillu sukumiisumik suliarineqarnissaat naatsorsuutigineqarpoq, taamaasillunilu aningaasat

taggiunneqarnissaani siumoortumik ataatsimiititaliamit inernilivigineqarsinnaangitsoq ataatsimiititaliaq isumaqarpoq.

4. Siunnersuutip aningaasaqarnikkut kingunissai

Siunnersuutip aningaasaqarnikkut kingunissai pillugit siulittaasoqarfiup piunasaqaataanik naammassinnilluni siunnersuuteqartoq suliaqarpoq. Tassunga atatillugu ataatsimiititaliaq oqaaseqaatissaqanngilaq. Naalakkersuisunit ataatsimiititaliamillu allannguutissatut siunnersuutitut atatillugu suliassaq atorfilittap ukiup affaanut akissarsiaanut naleqassasoq naatsoorsuutigineqarpoq (250t kr.-it) ataatsimiititaliap nalilerpaa.

5. Ataatsimiititaliap inassuteqaatai

Ataatsimiititaliap allannguutissatut siunnersuutaata akuersissutigineqarnissaa **Ataatsimiititaliap isumaqatigiittup** inassuteqaatigaa.

Ataatsimiititaliap taamatut oqaaseqaateqarluni isumaliutissiisummilu allassimasutut paasinnilluni siunnersuut aappassaaniigassanngortippaa.

Peter Olsen,
Siulittaasoq

Justus Hansen

Nikkulaat Jeremiassen

Jens-Erik Kirkegaard

Knud Kristiansen

Kelly Berthelsen

Per Rosing-Petersen